

**TOKIKO KOMUNIKABIDEEN ESPARRUAN
EUSKARA SUSTATZEKO DIRU-LAGUNTZAK
ARAUTZEN DITUZTEN OINARRIAK**

- 2017 -

**CONSORCIO TRANSFRONTERIZO BIDASOA-TXINGUDI
BIDASOA-TXINGUDI MUGAZ GAINDIKO PARTZUERGOA
CONSORCIO TRANSFRONTALIER BIDASOA-TXINGUDI**

OINARRI OROKORRAK

1- KONTSIDERAZIO OROKORRAK

Apirilaren 2ko 7/85 Legearen III. Kapituluaren 25.2 m) artikulua garapenerako eskumenak ematen dizkie Udalei kultur eta kirol mailako jarduera edo instalazioak sustatzeari begira.

1999ko urriaren 22an, Hondarribia, Irun eta Hendaiko Udalek Bidasoa-Txingudi Mugaz Gaindiko Partzuergoa osatu ondoren, eta haren Estatutuen 3. artikuluari jarraiki, Udal horiek Partzuergoari eskumenak ematen dizkiote, besteak beste, kultur jarduera komunak egiteko, eta kultur esparru horretan duen helburuetako bat da egitura pedagogikoak sortu eta kudeatzea hizkuntzak ikasi, hobetu eta garatu ahal izateko.

Testuinguru horretan, Partzuergoak hainbat ekintza bideratzen ditu euskara zabaltzen laguntzen duten lanak sustatzeko, eta horretarako, diru-laguntzak ematen dizkie lan horretan parte hartzen duten entitate edo enpresei.

Horregatik, tokiko komunikabideen esparruan euskara sustatzeko diru-laguntzak arautzen dituen oinarriak onartzea proposatzen da. Xede horretan ematen diren diru-laguntzak eskatu, eman eta ordaintzeko prozedura arautzen da oinarri horietan, azaroaren 17ko Dirulaguntzen 38/2003 Lege Orokorraren edukia arabera, eta lege horren zehaztapenak aplikatuko dira oinarri hauetan arautzen ez den guztian.

2- HELBURUA

Oinarri hauek Bidasoa-Txingudi eskualdeko 3 herrietan, Irun, Hondarribia eta Hendaian, hedapena duten tokiko komunikabideen esparruan euskararen erabilera sustatzeko diru-laguntzak norgehiagoka arautzea dute xede, bertan zehaztutako irizpideak eta baldintzak kontuan harturik.

3- ONURADUNAK ETA BALDINTZAK

1- Eremua.

Diru-laguntza hauek eskatu ahal izateko ondorengo baldintzak bete beharko dituzte onuradunek:

- a) Irun, Hondarribia edo Hendaian egoitza fiskala eta soziala duten pertsona fisiko edo juridikoak izatea
- b) Eskualde mailako komunikabidea izatea, formatu hauetako batean: ikus-entzunezkoa, aldizkako argitalpena, aldizkari digitala

2- Baztertzekoak.

Deialdi honen aplikazio esparrutik kanpo geratuko dira honako jarduera hauek:

- a) Azaroaren 17ko 38/2003 Dirulaguntzen Lege Orokorraren 13.2 eta 3 artikuluetan aurreikusitako egoeraren batean daudenak.

b) Ez dira kontuan hartuko eskubide konstituzionalak urratzen dituzten elkarte edo erakundeetatik datozen proposamenak. 14. Art. (jaiotza, arraza, sexu, erlijio, iritzi arrazoiengatik diskriminatzea).

c) Ez dira kontuan hartuko Bidasoa-Txingudi Mugaz Gaindiko Partzuergoak eginiko aurreko deialdietan dirulaguntzen onuradun izan eta aurretik jasotako diru-laguntza horiei dagozkien gastuak behar bezala eta aurreikusitako epeetan justifikatu ez dituzten elkarte edo erakundeen proposamenak.

4- BESTE DIRU-LAGUNTZA BATZUEKIKO BATERAGARRITASUNA

Ondoko oinarrietan aurreikusitako diru-laguntzak ez dira bateragarriak izango oinarri hauek xedea duten Irungo, Hondarribiko eta Hendaiako udalen laguntzekin. Hala ere, diru-laguntzak bateragarriak izango dira xede bererako beste edozein diru-laguntza, laguntza, diru-sarrera edo baliabiderek, datorrela nazioko edo Europar Batasuneko edozein administrazioetatik edo erakunde publiko nahiz pribatutik, datorrela nazioarteko erakunde batetik.

Beste diru-laguntzarik eskuratzen bada, diru-laguntzen guztizko zenbatekoa ezingo da izan diruz laguntzen diren jardueren kostua baino handiagoa: handiagoa bada, deialdi honen barruan emandako diru-laguntza txikitu egingo da, dagokion bezainbat.

5- ZENBATEKOAREN MUGA ETA AURREKONTU IZENDAPENA

Oinarri hauek araututako dirulaguntzen zenbatekoaren limitea, aktibitatearen kostua da, eta beste laguntza publiko batzuekin elkartuta, ezin izango du jardueraren alde superabita gertatuz gero.

Oinarri hauen ondorioetarako, 7.000 euroko aurrekontu-zenbatekoa dago Bidasoa-Txingudi Mugaz Gaindiko Partzuergoaren aurrekontuan. Horrek esan nahi du horixe dela eman daitezkeen dirulaguntzen kopuru gorena, kanpoko diru-sarreraren aurrekontu aurreikuspenak baieztatzeko baldintzaren pean eta dagozkion aurrekontu aldaketa egiteko aukerari kalterik egin gabe.

6- ESKAERAK ETA AURKEZTEKO EPEAK

Diru-laguntza hauek lortu nahi dituztenek dagokion eskaera egin beharko dute, eta horretarako, ondoren zehazten den dokumentazioa beteko dute Bidasoa-Txingudi Mugaz Gaindiko Partzuergoak emaniko ereduaren arabera eta, behar bezala betetako eranskinekin batera, Bidasoa-Txingudi Mugaz Gaindiko Partzuergoaren bulegoetan aurkeztuko dute Kostorbe Eraikinean, Irungo Iparralde Hiribidean, 20302 PK, edo 39/2015 (LRJ-LPAC) Legearen 16 artikulua aipagai dituen lekuetan, dirulaguntzen iragarkia GAOn argitaratu ondoren eta hilabete beteko epean. Honako dokumentu hauek aurkeztuko dituzte eskaera egileek:

a) N.A.N.ren fotokopia eta, komunikabide baten ordezkari gisa jarduten bada, hori egiaztatzen duen dokumentazioa.

b) Komunikabidearen ezaugarriei buruzko txostena.

c) Gastu eta sarreraren txosten zehatza, azpiegitura, langileria gastuak eta abar, eta dirulaguntza bidezko sarrerak, ekarpenak, publizitatea bidezko sarrerak eta abar argi zehaztuta. Partzuergoari eskatzen zaion zenbatekoa jasoko da halaber.

d) Ogasunarekiko betebeharrak egunean daudela egiaztatzen duten agiriak aurkeztuko dira eta besteren konturako langileak izanez gero, Gizarte Ongizateari beharreko ordainketak egiten zaizkiola egiaztatuko da.

e) Argitalpenak badira, aurtengo urtean argitaratutako aleak.

f) Ikus-entzunezko komunikabideen kasuan, a), b), c) eta d) atalez gainera, komunikabidean euskarari aurre emaniko tratamendua azaltzen duen txostena aurkeztuko da, gutxienez honako alderdi hauek adierazita:

- Osorik edo zati bat euskaraz egiten diren programa guztien zerrenda, izena, ematen diren eguna eta ordua, eta programaren eta euskaraz ematen den zatiaren iraupena zehaztuta.
- Programazioaren denboran euskaraz emanikoaren bolumenaren portzentajea, guztizko programazioarekiko.

g) 38/2003 Dirulaguntzen legearen 13.2 eta 3. artikuluetan aurrikusitako egoeratan ez dagoela dioen Zinpeko Aitorpena.

Eskaera egileak aurkeztutako dokumentazioa ez dagoela osorik edo Oinarri hauetan eskatzen diren baldintzak ez dituela betetzen ikusten bada, interesatuari hamar eguneko epea emango zaio okerrak zuzen ditzan edo beharreko dokumentuak aurkez ditzan, eta jakinaraziko zaio, hori ez badu egiten, bere eskaera bertan behera utziko dela, Herri Administrazioen Erregimen Juridikoaren eta Administrazio Prozedura Erkidearen 39/2015 Legearen 68 artikulua aurreikusitakoaren arabera.

Dokumentazioa ez bada aurkezten, galdu egingo da dirulaguntzaren onuradun izateko aukera. Era berean, datuak ezkutatu edo datu faltsuak ematen badira dirulaguntza horiek eta, hala behar badu, ondorengoak jasotzeko eskubidea galduko da.

7- DIRULAGUNTZEN EBALUAZIOA ETA ERABAKIA HARTZEKO ORGANO ESKUDUNA

Zuzendaritza Batzordeko lehendakaria, Bidasoa-Txingudi Mugaz Gaindiko Partzuergoaren euskara lan-mahaiak (hiru udalerrietako euskara teknikari eta ordezkariak eratuak) osaturiko epaimahaiak aztertu eta ebaluatuko ditu eskaerak, eta lan-mahai horrek eginiko erabakirako proposamena ikusita, eskumena duen Zuzendaritza Batzordeari aurkeztuko zaio, eta Partzuergoko Lehendakariak hartuko du beharreko erabakia.

Eskaerak epaimahaiak baloratuko ditu, ondoren aipatzen diren irizpideei erreparatuz: Hedabidearen helera edo hedadura eta Bidasoa-Txingudi eskualdea osatzen duten hiru hirietan duen eragina eta haien parteartea, aldizkakotasuna, Euskeraren erabilera egokia eta maila, Euskeraren presentziaren proportzioa.

Esleipen irizpideen informazioa 3go ERANSKINEAN osatzen da

Diru-laguntza horiek osorik edo neurri batean eman gabe uzteko proposamena egin ahal izango du epaimahaiak.

Eskaera aurkezteak ez du esan nahi berez diru-laguntza jasotzeko eskubidea duenik.

8- ERAKUNDE LAGUNTZAILEA

Bidasoako Garapenerako Agentzia, S.A.ri (Bidasoa Bizirik) dagokio oinarri hauetatik etorritako diru-laguntzak emateko beharreko kudeaketa eta tramitazio administratiboa aurrera eramatea, eta baita diru-laguntza horiek banatu eta ematea ere, Bidasoa-Txingudi Mugaz Gaindiko Partzuergoaren izenean eta kontura. Hori guztia, bi erakundeek 2017ko urriaren 2an sinatu zuten Partzuergoaren jarduerak eta programak kudeatzeko hitzarmenetik etorritako lankidetzak hitzarmenean oinarrituta.

9- DIRULAGUNTZEN ORDAINKETA ETA GASTUAREN EGIAZTAGIRIAK

Partzuergoko Lehendakariaren Ebazpenaren bidez diru-laguntzak esleitzeko erabakia hartu ondoren egingo da emaniko laguntzaren %100aren ordainketa, erakunde jasotzaileek honako dokumentazio hau Partzuergoaren bulegoetan, ekinga amaitu eta **30 egun naturaleko** epean, aurkeztu eta gero:

- 1- Diru-laguntza justifikatzeko inprimakia (oinarri hauekin batera doazen eta Partzuergoaren egoitzan eskura dauden justifikazio-ereduen arabera)**
- 2- Eginiko gastuaren egiaztagiria (diru-laguntza jaso duen jardueraren garapenak sortutako gastuei dagozkien fakturen eta erreziboen kopia) eta balantze ekonomikoa (gastu eta sarrerak). Eranskina II**
- 3- Memoria osoa, irizpideak eta hemen aipatutako baldintzak bete direla egiaztatuz.**

Honako betebeharrak dituzte dirulaguntzen onuradunak:

- Partzuergoari eskatzen duen guztia ematea dirulaguntzen inguruko egiaztapenak eta kontrola aurrera eramateko.
- Diru-laguntza jasotzerakoan aldaketa objektibo edo subjektiboren bat gertatzen bada, Partzuergoari jakinarazi behar diote.

- Diru-laguntza hauez gainera, sektore publikotik nahiz pribatutik beste laguntza, sarrera edo baliabide batzuk jasotzen badira, horren berri eman behar zaio Partzuergoari.
- Eman den xederako erabiliko da diru-laguntza.

Diru-laguntza honek gai dituen jarduerak eskaeran zehaztutakoaren arabera egingo ditu onuradunak eta ondoren zehazten diren irizpide hauek beteko ditu :

- Jardueraren eduki guztia edo zati bat euskaraz izango da, programazio edo edukiaren %50 gutxienez beti ere.
- Urtean maiztasun zehatza izango du jarduerak
- Jardueraren eguneko programazioa osorik euskaraz izango da, edo bestela, euskaraz egiten den emanaldiak maiztasun jakin eta erregularra izango du, eta programa autonomoa, edo beste programa baten atala izango da.
- Irun, Hondarribia eta Hendaian egongo da komunikabidearen entzuleriaren edo aleen tiradaren erdia gutxienez., honako hau, komunikabideek eskura dituzten estatistika-zerbitzuez baliatuz justifikatu beharko delarik.
- Hiru hizkuntzak erabiltzen dituzten komunikabideen kasuan, beste hizkuntzetan adierazten dena euskaraz ere agertu beharko da, edo gutxienez guztizkoaren 1/3 izango da.

Bidasoa-Txingudi Mugaz Gaindiko Partzuergoak egin ditzakeen ikuskapen lanak onartuko ditu onuradunak.

10- DIRULAGUNTZEN KONTROLA

Partzuergoaren Euskara Lan-taldeak, Zuzendaritza Batzordeak eta kasu guztietan Partzuergoko Lehendakariak, egokitzat hartzen dituzten egiaztapen guztiak egiteko eskubidea dute datuen fidagarritasuna eta dirulaguntzen erabilera zuzena egiaztatzeko.

11- EZ-BETETZEA

Jasotako kopuruak itzuliko dira eta, hala beha bada, berandutze interesak ordainduko dira diru-laguntza ordaindu den egunetik hasita, honako kasu hauetan:

- a-. Jasotako diru-laguntzak, osorik edo zati bat, Oinarri hauetan aurreikusitakoak ez diren beste jarduera batzuetarako erabiltzen badira.
- b-. Diru-laguntza beharreko baldintzak bete gabe lortzen bada.
- c-. Oinarri hauetan edo, hala behar izanez gero, diru-laguntza emateko erabakian zehaztutako obligazioak ez badira betetzen.

d.- Oinarri hauek edo diru-laguntza emateko erabakiak zehaztutako epeak ez badira betetzen.

Era berean, azaroaren 17ko 38/2003 Dirulaguntzen Lege Orokorraren IV. Tituluak arau-hauste eta santzioei buruz zehaztutako xedapenak aplikatuko zaizkie oinarri hauei eta beraien arabera emaniko dirulaguntzei, eta Partzuergoko Lehendakariaren egitekoa izango da dagozkion espedienteak hasi eta erabakitzea.

12- INTERPRETAZIOA

Oinarri hauen interpretazioaren inguruan, eta emaniko dirulaguntzen exekuzio eta garapenaren inguruan sor litekeen zalantza oro Partzuergoko Lehendakariak erabakiko du, Zuzendaritza Batzordearen eta Partzuergoko Euskara Lan-taldearen Txostenak ikusi ondoren.

Irunen, 2017ko abenduak 15

Txomin Sagarzazu jn.
Bidasoa-Txingudi Mugaz Gaindiko Partzuergoko Lehendakaria